

## یوحناى رسولی سۆمین نامه

۱

اشیخی طرفی کا،  
عزیزه گایوسی را که از ائی نه 'حقیقتی' کا خشیمه.

ای عزیز، چمن دعا امه که گرد چيون کا چاک پیش بشی و سلامت بی، و هنته نی اشته جان سلامتی کا ببو. <sup>۳</sup> چوم شاد ابیمه ا موقعی که پرا ان اومینه، و اشته وفاداری که حقیقتی کا زندگی بگردیش شهادت دوشونه. <sup>۴</sup> هیچ چی من امی کا ورتتر شاد آنگره که درسم چمن خردین 'حقیقتی' کا زندگی بگردین.

ای عزیز، ته گرد اشته کارون کا پرا اون را، اشته امانتداری نیشون بدایش، مخصوصا ام که به ترا بیگانه اینه. <sup>۱</sup> اون نی کلیسا پیشی کا اشته محبتی شهادت دوعشونه؛ بس چاک کاری بگردیش اگم اوون هته که خدا شئی کا اشته، سفری را رای بگردیش. <sup>۷</sup> چوم که اون آ نومی واسی سفر گردشونه و غیریهودیون کا هیچ کمکی ویگنشون نیته. <sup>۸</sup> بس امه بسی انته ره آدمون کمک بگرم تا بشایم اوون نه حقیقتی را همکار ببییم.

<sup>۹</sup> از کلیسا را اپی چپی نیویشیمه، اما دیوترفیس که خشه اشته اول بزونه، چمه اقداری اعتنا نکره. <sup>۱۰</sup> بس اگم از اومیمه، کارونی که ا بگردی رسیدگی بگردیم، چوم که قصد غرضی نه چمه ضد گف بزی، و امی نه نی راضی نیته، پراون نی قبول کرده نیسه؛ و پراونی که پیستشونه اوون قبول بگرن، چوون پیشی نی گتسه و کلیسا کا برگردشه.

<sup>۱۱</sup> ای عزیز، بدی اشته سرمشق مکه، بلگم چاک کا سرمشق بیگه؛ چوم کسی که چاکه کارون بگردی خدا کا اشته، اما کسی که بده کارون بگردی خدا وینده نیسه. <sup>۱۲</sup> گرد دیمتریوسی درباره چاک شهادت بداین، حتی حقیقت اشته. امه نی انته شهادت بدایمون و بزینش که چمه شهادت راسته.

## خاتیمه

<sup>۱۳</sup> وَرَه چِیونی هِسْتِمَه که بَه تِه را بینوِیسیم، اَمّا نِپِیستیَمَه مرگَب و قلمی نَه  
بِبو. <sup>۱۴</sup> امید دارِم هِم زودیون تِه بُوینم و یَندی نَه دیمادیس گف بَرَنم.  
<sup>۱۵</sup> سلامت پی!

رَفِقِن بَه تِرا سلام آرساووِن. تک تک رَفِقون نومی نَه سلام آرساوون.

